

Konvoi Berbasikal Mahasiswa Hangatkan Promosi Expoconvo UMP



Kuantan, 12 September - Seramai 110 mahasiswa Universiti Malaysia Pahang (UMP) dari kedua-dua kampus Pekan dan Gambang menyertai Program Konvoi Berbasikal sebagai pra pelancaran pembukaan Karnival Expoconvo 2015 yang diadakan sempena Majlis Konvokesyen ke-10 UMP yang bakal berlangsung 17 hingga 18 Oktober depan.

Program mendapat kerjasama pihak Polis Diraja Malaysia (PDRM) Bahagian Trafik Cawangan Kuantan dan Pusat Kesihatan Pelajar UMP. Dengan bertemakan "Ceriaan Hidup Setempat" program bertujuan memperkasakan mahasiswa universiti dalam mengamalkan cara hidup sihat di samping mendekati diri dengan komuniti agar dapat memberikan informasi terkini tentang program universiti kepada masyarakat setempat.

Majlis pelepasan disempurnakan oleh Ketua Pusat Kesihatan Pelajar, Dr. Khairul Salleh Abdul Basit yang turut menyertai konvoi berbasikal pada kali ini. Hadir sama Penasihat Expoconvo 2015, Zahiruddin Mohd Zin dan Pegawai Polis Bahagian Trafik Cawangan Kuantan, Koperal Ismail Toha.

Bagi Pengarah Expokonvo 15, Poh Yi Fei dari Fakulti Sains dan Teknologi Industri (FSTI) berkata, acara dimulakan seawal pagi dengan senaman ringan diikuti dengan aktiviti konvoi berbasikal yang bergerak dari Taman Esplanade Kuantan menuju ke bangunan UTC dan singgah di Kompleks Membeli-belah Berjaya Megamall sejauh lapan km.

"Program ini bertujuan menyampaikan maklumat program karnival Expoconvo yang diadakan selama seminggu bersempena majlis konvokesyen universiti. Banyak program telah dijadualkan akan diadakan seperti program pameran akademik, inovasi, persembahan kebudayaan dan khidmat sosial," katanya.



Sebagai pembuka tirai untuk program Expoconvo ini ianya amat bersesuaian untuk mempromosikan aktiviti-aktiviti UMP yang akan dijalankan sepanjang karnival berlangsung termasuk mendapatkan penyertaan dalam kalangan pelajar sekolah bagi program Floating Structure and Frisbee Competition, pertandingan mewarna kanak-kanak dengan kerja Petro Sains dan Utusan Malaysia.

Selain meraikan graduan yang akan bergraduat, Expokonvo itu nanti juga diadakan bagi mengeratkan lagi hubungan dan kerjasama antara mahasiswa dan pihak pengurusan universiti dengan masyarakat sekitar.

Lebih menarik seramai 1500 mahasiswa UMP akan mempersembahkan rentak lagu menggunakan cawan (cup song) yang bakal mencatatkan Malaysia Book of Record (MBR) bagi penyertaan mahasiswa paling ramai pada kali ini.

Bagi peserta konvoi, Wong Qing Hsian, 21, dari Fakulti Kejuruteraan Awam dan Sumber Alam (FKASA) berpendapat penyertaannya dapat mendekati masyarakat sekeliling di samping menggalakkan program gaya hidup sihat.

Turut berlangsung nanti Karnival Mahabbah yang diadakan serentak dengan Karnival Expokonvo selama seminggu itu nanti akan dimeriahkan dengan program masak bubur Asyura, 30 minit bersama Ustaz Don, Semanis Kurma dan program bersama Ustaz Kazim Elias (UKE) yang dijalankan Pusat Islam dan Pembangunan Insan. Untuk makluman lanjut, sila layari facebook Expoconvo UMP atau menghubungi Jasmine Ang (Publisiti dan Acara di talian 0169081620/ Albert (106-7829205 atau Low Chen Wei (Booth/Vendor di talian 0174732677).



Disediakan Unit Perhubungan Awam, Bahagian Komunikasi Korporat PNC

Posted By : SITI SARAH BINTI MOHAMAD RAJIMI Date Posted : 15-09-2015, 14:08:57